



He whakamāmā taake – ngā pāpono takakino, ohotata hoki.

Kei te mārama mātau ehara te taake i te kaupapa tuatahi kei tō hinengaro i muri mai i te pāpono o tētahi āhukatanga kino, ohotata rānei. Heoi, ka taea e mātau te āwhina atu ina ka whakapā mai koe ki mātau ki te kōrero mō ō māharahara, pātai hoki mō te whakamāmā taake.

Mehemea ka pāngia koe e tētahi pāpono takakino, ohotata rānei, arā ka pāngia tō āheinga utu taake, tō whiwhinga utu rānei, ka wātea pea ki a koe ko te whakamāmātanga taake, ko te āwhina ā-pūtea rānei kei runga i ngā āhukatanga o tō noho whaiaro me taua pāponotaga anō.

Ko te tāpaetanga tōmuri i te puka taake me ngā whiunga utu tōmuri

Mehemea kāore koe i āhei ki te tāpae i te puka taaake i te wā e rite ana, he mea nui tonu te whakapā mai me te kōrero mō ō kōwhiringa. Kāore e taea e mātau te tuku whakaroanga mō ngā whakahokinga GST me te PAYE, engari ka taea pea ngā whiunga mō te whakahoki tōmuri te whakakore. Ki te tae atu tētahi reta ki a koe e kī ana kua takaroa tō puka taake, he mea nui tonu kia kua koe e waiho kia tārewa, engari me whakapā atu ki tō āpiha taake, ki te Tari Taake rānei hei tōna wā ka taea.

Tērā ētahi āhukatanga e whakakorehia ai ngā whiunga mō te utu tōmuri nā runga i te pā mai o te pāpono takakino, ohotata rānei.

Te Itareti

Mō ētahi pāpono takakino, ohotata rānei ka taea e mātau te tango atu te itareti kua utaina atu mehemea i pāngia koe e aua āhukatanga. Mehemea kua pāngia koe e tētahi pāpono ohotata, ka taea te rapu kōrero mehemea ka taea te tango atu te itareti ki ird.govt.nz/adverse-events-list

He taake e tārewa tonu ana

Tērā ētahi āhukatanga e whai whakaaro ai mātau ki te utu harangote mō ngā taake e tārewa ana. Ka taea e koe te tono whakakorenga taake nā runga i te tino taimaha ina ka mōhio koe kāore e taea te utu te taake katoa.

Kia mōhio:

mehemea ka whakaaetia te whakamāmātanga utu taake nā runga i te taimahatanga, ā, he moni ngaro hei kawē mai, ka whakaitia te moni ngaro mā te pāngia riterite ki te nui o te utu taake ka tangohia atu.

* Ko te tikanga o te 'takakino, o te ohotata rānei', he āhukatanga ka hua mai i tētahi mate ohotata ā-motu, ā-rohe rānei, i tētahi āhukatanga rerenga tahi rānei ka whai pānga nui ki ngā whakahaere o tō pakihi. Ko etahi taurira, ko te āwhā hukarere, ko te waipuke, ko te tauraki, ko te rū whenua, ko te mate urutā ka pā atu ki ngā kararehe pāmu, ki ngā tipu kai rānei.

He tautoko mōu me tō whānau

Child support

Mehemea kua rerekē te whiwhinga utu, te āhua noho rānei o tō whānau, tērā pea ka whai pānga tēnei ki ō āheinga, ki ō utu rānei. Mehemea he māharahara ōu, he pātai rānei, mehemea rānei kei te raruraru koe ki te utu taake hei ngā rā e rite ana, me waea mai ki a mātau i 0800 221 221.

Ngā Takuhe Taake i Te Mahi mō ngā Whānau (Working for Families Tax Credits)

Ka taea te utu te takuhe taake i Te Mahi mō ngā Whānau (Working for Families) i ia wiki, i ia rua wiki, hei te mutunga rānei o te tau taake. Mehemea kua pāngia tō whiwhinga utu, te āhua noho rānei o tō whānau e tētahi pāpono takakino, ohotata rānei, me whakahou mai koe i ō taipitopito whānau ki myIR i ird.govt.nz

He takuhe, he utu whakamāmā (mō ngā tāngata takitahi me ngā whānau)

I tētahi pāpono takakino, ohotata rānei, tērā pea ka wātea ētahi utu whakamarumaruru i te Hiranga Tangata. Ka taea ngā utu whakamarumaruru nei te whakamahi hei utu i ngā momo nama pēnei i te kai, i te moenga, i te kākahu, i te noho whare, ā, he utu ēnei e pā ana ki te noho whaiaro o te whānau, kāore he pānga ā-taake ka hua mai mehemea ka whakawhiwhia koe ki ēnei momo utu whakamarumaruru.

Kāore hoki he pānga ā-taake ka hua mai mehemea ka whakawhiwhia atu tētahi utu whakakapi ngaronga utu ki te tangata ka rite tonu te whakawhiwhia ki te utu mahi, ki te utu takuhe rānei. Mehemea kei te mahi koe mōu tonu, ka whakamahia pea koe ki te utu taake mō tēnei utu – me tiro tiro atu ki te wāhanga 'ngā takuhe me ngā utu whakamāmā mō ngā pakihi' kei raro nei.

Ko Kiwisaver

Ki te pāngia koe e te pāpono takakino, ohotata, ka taea e koe te whakatārewa ngā tukunga pūtea Kiwisaver, ka taea rānei pea te tono kia tangohia atu tētahi wāhanga nā runga i te taimaha. Rapua he kōrero anō mō te whakatārewa Kiwisaver ki ird.govt.nz/apply-for-savings-suspension, me whakapā atu rānei ki tō kaiwhakahaere Kiwisaver mō te tono tangohanga taimaha.

Ngā Tukunga Koha

Ki te tuku koe i tētahi koha ā-moni ki tētahi whakahaere mahi aroha e whai mana ana, ka āhei pea koe ki tētahi tukunga taake.

Rapua he kōrero anō mō te tuku koha me ngā whakahaere whiwhi koha e mana ana ki ird.govt.nz/donation-tax-credits

Ngā Pūtea Taurewa Ākonga

Tērā ngā kōwhiringa whakamāmā taake e wātea ana ki te hunga kua whai pūtea taurewa ākonga, pēnei:

- Ka taea e te tangata e mahi ana mōna anō te tono kia whakaitia ngā aromatawai pūtea taurewa ākonga
- Ka taea e te hunga mahi mō te utu ā-haora, ā-tau hoki te tono kia whakamāmātia te tangohanga whakahoki pūtea
- Ka taea e te tangata e ako ana hei ākonga wā kiki, e iti iho ana ngā whiwhinga i te taumata whakahoki pūtea ā-tau, te tono ki tētahi aweretanga i te tikanga whakahoki utu.

E wātea ana ēnei kōwhiringa e toru ki myIR.

Rapua he kōrero anō mō ngā pūtea taurewa ākonga ki ird.govt.nz/difficulty-repaying-student-loan

He waehera taake e whāiti ana

Ka āhei pea koe ki tētahi waehera taake e whāiti ana mehemea he kaimahi koe e whiwhi ana i te utu ā-haora, ā-tau rānei, ā, he moni ngaro tāu hei kawē ki mua. Rapua he kōrero anō mō ngā kōwhiringa e pā ana ki ngā waehera taake e whāiti ana ki ird.govt.nz/tailored-tax-code

He tautoko mō ngā pakihī me ngā tāngata e mahi ana mō rātau anō

Ngā whakatau tata mō te taake tārewa / he whakatau tata hou

Ka taea pea e koe te whakatau tata, te whakahou rānei te whakatau tata o tō taake tārewa mehemea kua rerekē ō whiwhinga nā te pāpono takakino, ohotata rānei. Ka taea e mātau te whakarite he whakahokinga pūtea wawe mehemea kua nui rawa te utu i te taake tārewa.

He tiwhikete awere, he taumata taake e whāiti ana

Mehemea kei te whai mahi kirimana koe i tenei wā, ka

tangohia ngā utu raupapa (hei tauira, ko te kutikuti hipi me ngā mahi kirimana ahuhenua), ka āhei pea koe ki tētahi tiwhikete awere, ki tētahi taumata taake e whāiti ana rānei. Rapua he kōrero anō mō ngā kōwhiringa e pā ana ki ngā waehera taake e whāiti ana ki ird.govt.nz/tailored-tax-code

He hōtaka whakaōrite whiwhinga utu

Ko ngā tāngata he moni ā rātau kua tāpaetia atu ki tēnei hōtaka, ā:

- e kōkiri ana i tētahi pakihī pāmu, ahuhenua rānei kei tētahi whenua i Aotearoa,
- e kōkiri ana rānei i tētahi pakihī hī ika
- e whai ana rānei i te moniwhiwhi mā te mahi ngahere, ka taea e rātau te tango wawe, te whakatakoto pūtea rānei ki roto i te hōtaka i muri i te wā e whakaaetia ana.

Rapua he kōrero anō mō ngā tikanga motuhake nei ki ird.govt.nz/adverse-events-list

He takuhe, he utu whakamāmā (mā ngā pakihī)

Ko ngā takuhe me ngā utu āwhina ka whakawhiwhia ki tētahi pakihī, me whakauru atu ki ngā whakawhiwhinga utu a te pakihī i tō puka taake GST i te nuinga o te wā.

Mō te taake whiwhinga utu, ko te whakatau tika mō te takuhe me te utu āwhina ka whakaritea i runga i te tangata, i te whakahaere rānei nāna i utu te takuhe, te utu āwhina rānei me te kaupapa o te takuhe, o te utu āwhina.

Ka taea he kōrero anō mō ngā takuhe me ngā utu āwhina te rapu ki tā mātau pukapuka **Grants and subsidies (IR249)**.

He āhuatanga pīroiroi tēnei nō reira me kōrero koe ki tō kaitohutohu taake.

He utu inihua

Mehemea kua rēhita koe mō te GST (e herea ana rānei ki te rēhita), ā, ka riro i a koe tētahi utu inihua e pā ana ki ngā mahi ka taea te taake, ko te tikanga me aro atu ki te GST i runga i tēnei utu.

Mehemea e pā ana te utu ki ngā rawa whakahaere pakihī kua ngaro (he kararehe, he rawa hoko), mō te rawa ka whakapautia (he hei, he rawa mata) mō te ngaro whiwhinga utu, huamoni rānei, he whiwhinga tēnei ka taea te taake mō roto i ngā tikanga taake whakawhiwhinga.

Mehemea e pā ana te utu ki ngā haupū rawa ka taea te whakaheke uara (he hēti, he rawa hanga, he umuuku rānei), ko te tikanga me kaute te rahi inihua ki ngā nama e hono ana, pēnei i ngā whakatikatika me ngā whakarerekētanga ki ngā uara pukapuka taake o te rawa māna pea ka whakaiti i ngā kerēme whakahekenga uara muri atu, māna rānei ka hua mai he whakahokinga i te whakahekenga uara.

He āhuatanga pīroiroi tēnei nō reira me kōrero koe ki tō kaitohutohu taake.

Te Hōtaka Kapewhiti Pakihi Iti (pūtea taurewa)

Mehemea he whakahokinga utu tāu e pā ana ki tō pūtea taurewa Kapewhiti Pakihi Iti kāore e taea e koe te whakatutuki nā runga i te pāpono takakino, ohotata, me whakapā mai ki a mātau ki te kōrero mō te whakarerekē i tō raupapa whakahoki pūtea.

Kei te hiahia āwhina anō?

Me whakapā atu koe ki tō kaitohutohu taake i te tuatahi. Ki te hiahia koe ki te kōrero mai ki a mātau, me waea mai ki a 0800 473 566. Mō ngā kōrero o te wā e pā ana ki te whakamāmātanga taake i runga i tō āhua noho, me haere ki ird.govt.nz/disasters-adverse-events